



TECNOLOGIA GARBIEI EUSKAL ZERRENDA
LISTADO VASCO DE TECNOLOGÍAS LIMPIAS

TECNOLOGIA GARBIEI EUSKAL ZERRENDA 2016

ZERGA-ONURAK



EUSKO JAURLARITZA
GOBIERNO VASCO



EVE | Ente Vasco
de la Energía



Teknologia Garbien Euskal Zerrenda 2004an sortu zen, Euskal Autonomia Erkidegoan. Zerrenda hori, garapen jasangarria sustatzeko eta euskal ingurumen-politika ezartzea errazteko instrumentu fiskal bat da, eta dagokion xedea betetzeko transferentzia teknologikoa eta ingurumena gehiago zaintzen duten ekipoak baliatzen ditu.

Teknologia Garbien Euskal Zerrenda enkari fiskalak ahalbidetzen dituen baliabide bat da. Europako beste hainbat herrialdetan ere antzeko baliabide fiskalak daude indarrean, hala nola, Holandan (VIA eta VAMIL), Erresuma Batuan (Water Technology List eta Energy Technology List, Enhanced Capital Allowances izenekoaren barruan biltzen direnak) eta Belgikan (Flandriako Ecologiepremie).



Teknologia Garbiak Euskal Autonomia Erkidegoan

Teknologia garbia da manufaktura-prozesu eraginkorragoak eta ingurumen-inpaktu gutxiago eragiten dituen teknologia (produktuak, zerbitzuak, prozesuak, teknikak eta ezagutzak).

Teknologia garbiak aplikatuta:

- Fabrikazio-prozesuak modernizatzen dira, produktibitatea, kalitatea eta segurtasuna handituz.
- Eraginkortasuna areagotzen da, unitate bat fabrikatzearen kostua murriztuz eta industriren lehiakortasuna hobetuz.
- Jarduera ekonomiko osagarriak sortzen dira, zerbitzu-osagarrien sektoreak teknologia horien ezarpenean eta erabileran gaituz; esaterako, ingeniariak, instalatzaileak, aholkularitzak, etab.
- Industria-jardueren balio erantsia handitzen da, beste eskualde batzuen aldean, lehiakortasun globalean hobetuz.

Euskal Autonomia Erkidegoan **Teknologia Garbien Euskal Zerrenda** erabili daiteke, Euskadiko industria-ehunak teknologia garbiak eskuratzea errazteko tresna.



Teknologia Garbien Euskal Zerrenda

Teknologia Garbien Euskal Zerrendan daude jasota merkaturan eskuragarri dauden industria arloko ekipamenduak; oro har, Euskal Autonomia Erkidegoko ekoizpen-sektoreetan ezarpen-maila oso txikia dute eta horiek aplikatzea askoz ere eraginkorragoa da gaur egun erabiltzen direnekin jarraitzea baino.

Oro har, EAeko Fabrikazio aurreratuaren estrategiarekin bat datozen teknologiak barne hartzen ditu, gehienbat prebentzio-izaera dutenak, eta aplikazio-ahalmen zein inpaktu handia baliabideen kontsumoa eta isuriak murrizteko.

Teknologia horiek aplikatuta, lehiakorrakoak dira industriako euskal ETEak, ekoizpen-prozesuak hobetzen dituztenez eta eraginkorrakoak direnez, eta baliabideen kontsumoa eta inpaktuak murriztea lortzen dute.

Gaur egun, Teknologia Garbien Euskal Zerrendak ekipoetara ekarritako 92 teknologia jasotzen ditu, ingurumenari begira Euskal Autonomia Erkidegoan lehenestekoak diren industria-sektoreei zuzentzen zaizkienak.

Teknologia horiek hautatu dira kontuan hartuta efizientziarik handiena eskaintzen dutela baliabideen erabilerari eta ingurumen-jardunari dagokienez, uraren, emisioen, hondakinen eta/edo zarataren arloetan.



Honako hauek arautzen dute Teknologia Garbien Euskal Zerrenda:

- Teknologia Garbien Euskal Zerrendaren erregulazioa ezartzen duen dekretua. Gaur egun, indarrean da **64/2006 Dekretua**, martxoaren 14koa.
- AGINDUA, Teknologia Garbien Euskal Zerrenda onartzekoa. Gaur egun, indarrean da **AGINDUA, 2016ko uztailaren 13koa**, Ingurumen eta Lurralde Politika sailburuarena, Teknologia Garbien Euskal Zerrenda eguneratu eta onartzen duena.

Zerga onurak Euskal Autonomia Erkidegoan

Teknologia Garbien Euskal Zerrenda

Egoitza Euskadin duten enpresek, sozietateen gaineko zergaren kuota likidoan, % 30eko kenkaria aplika diezaiokete Eusko Jaurlaritzako dagokion sailaren aginduan, Teknologia Garbien Euskal Zerrenda onartzekoan, zehaztutako ekipo osoetan egindako inbertsioaren zenbatekoari¹.

Hiru lurralde historikoetako Sozietateen gaineko Zergari buruzko foru-arauen 65. artikuluan jasotako zerga-onura «aplikazio-muga duten kenkariak» motakoa da. Gaur egun, hauek daude indarrean:

- **37/2013 FORU ARAUA**, abenduaren 13koa, Sozietateen gaineko Zergari buruzkoa (ALHAO, 148. zk., 2013/12/27, Gehigarria; eta ALHAO, 10. zk, 2014/01/27, Gehigarria).

¹ Kenkaritik kanpo geratuko dira ingeniartzako edo aholkularitzako kostuak, azpiegiturak egokitzearekin lotutako kostuak, eta ekipoen txertatuta ez dauden eta/edo hondakin, isurketa, zarata eta/edo isuri kopuru txikiagoa sortzen ez duten edo baliabide-kontsumo txikiagoa eragiten ez duten instalazioaren osagai guztiak.

- **11/2013 FORU ARAUA** 11/2013 FORU ARAUA, abenduaren 5ekoa, Sozietateen gaineko Zergari buruzkoa (BAO, abenduak 13).
- **2/2014 FORU ARAUA**, urtarrilaren 17koa, Gipuzkoako lurralde historikoko Sozietateen gaineko Zergari buruzkoa (GAO, 2014ko urtarrilaren 22a).

Teknologia Garbien Euskal Zerrendaren arabera ematen diren zerga-pizgarriek **1407/2013 Erregelamendua (EB), Batzordearena**, 2013ko abenduaren 18koa, de *minimis* laguntzen gainean Europar Batasunaren Funtzionamenduari buruzko Tratatuaren 107. eta 108. artikulua aplikatzearen gainekoa, betetzen dute.

Indarreko araudien arabera, hauek dira enpresa batek aplikatu ditzakeen ghienezko kenkariak, muga kuantitatiboak eta denborazkoak kontuan hartuta:

1. **1407/2013 Erregelamendua (EB), de *minimis* laguntzei buruzkoa:**
Estatu kide batek enpresa bakar bati emandako de *minimis* laguntzen guztizko zenbatekoa ez da izango 200.000 eurotik gorakoa hiru zerga-ekitaldietako batean ere.
2. **Foru-araudiak²:** Teknologia Garbien Euskal Zerrendako eki poetan egindako inbertsioen ondoriozko kenkaria «aplikazio muga duten kenkariak» motakoa da.
 - Zergaren likidazioan, kuota likidoaren % 45era arteko kenkariak aplikatu ahal izango dira.
 - Kuota nahikoa ez izateagatik kendu ez diren kopuruak ondoz ondoko hurrengo hamabost urteetan amaitzen diren zergaldietako likidazioetan aplikatu ahal izango dira.
 - Kenkari hori egiteko epeen konputua geroratu ahal izango da iraugipen epearen barruan emaitza positiboak dauden lehen ekitaldira arte.

² **37/2013 FORU ARAUA**, abenduaren 13koa, Sozietateen gaineko Zergari buruzkoa (ALHAO, 148. zk., 2013/12/27, Gehigarria; eta ALHAO, 10. zk., 2014/01/27, Gehigarria).

11/2013 FORU ARAUA, abenduaren 5ekoa, Sozietateen gaineko Zergari buruzkoa (BAO, abenduak 13).

2/2014 FORU ARAUA, urtarrilaren 17koa, Gipuzkoako lurralde historikoko Sozietateen gaineko Zergari buruzkoa (GAO, 2014ko urtarrilaren 22a).

Beste kenkari batzuk EAEn

Euskal Autonomia Erkidegoan, Sozietateen gaineko Zergari buruzko FORU ARAUEN 61., 62., 63. eta 65. artikuluetan arautakoari jarraikiz, honako hauek daude indarrean:

- Aktibo ez-korrante berrietan egindako inbertsioen ondoriozko kenkaria (% 10).
- Ikerketa eta garapeneko jardueren ondoriozko kenkaria (% 30-50).
- Teknologia-berrikuntzako jardueren ondoriozko kenkaria (% 15).
- Garapen jasangarria, ingurumen-babesa- eta -hobekuntza eta energia-iturrien ustiapen eraginkorragoa sustatzen duten proiektuei loturiko inbertsioen eta gastuen ondoriozko kenkaria (% 15), zehazki, honako hauetan: hondakinak murriztea, berrerabiltzea eta balorizatzea; mugikortasuna eta garraio jasangarria; naturaguneen ingurumen-berroneratzea, konpentsazio-neurriak edota bestelako ekintza boluntarioak direla medio; ur-kontsumoa murriztea eta ura araztea; eta energia berriztagarriak erabiltzea eta eraginkortasun energetikoa.



Zein eratara aplikatuko dira Teknologia Garbien Euskal Zerrendari loturiko kenkariak?

Teknologia Garbien Euskal Zerrendak eskaintzen duen abantaila nagusia da kenkari hori automatikoki aplikatzen dela urteko sozietateen zergan.

- **AGINDUAK, 2016ko uztailaren 13koak**, honako hau dio 3. artikuluan igorri beharreko informazioari buruz: «organo eskudunari kasuan kasuko zerga-onura eskatu baino lehen, agindu honetan sartutako ekipoetan edo instalazioetan inbertsioak egiten dituztenek Eusko Jaurlaritzako Ingurumen Sailburuordetzari jakinarazi beharko diote honako informazio hau:
 - a) Inbertsioa egin duen jardueraren izen soziala eta EJSNa.
 - b) Inbertsioaren kokapena.
 - c) Ekipoaren identifikazio-kodea eta izena.
 - d) Erositako ekipoen kopurua.
 - e) Ekipoaren kostu hautagarriak».

Horretarako, Eusko Jaurlaritzak enpresek bete beharreko formularioa eskura jarri du lhoberen webgunean, esteka honetan: **Enpresek bete beharreko formularioa**.


- Foru-araudiaren 65.3 artikuluaaren arabera, «zerga-administrazioak eskatuta, zergadunak Eusko Jaurlaritzako dagokion sailaren ziurtagiria aurkeztu beharko du, egindako inbertsioak Teknologia Garbien Euskal Zerrenda onartzeko Aginduan aipatzen diren ekipoei dagozkiela bermatzen dituen».

Horrenbestez, EAEko erakundeek honako betekizun hauek izango dituzte:

- Urtero aztertzea indarrean den Teknologia Garbien Euskal Zerrenda eta, bere prozesuak kontuan hartuta, intereseko ekipoak identifikatzea.
- Teknologia Garbien Euskal Zerrendako ekipoetako batean inbertsioa eginez gero, **Enpresek bete beharreko formularioa** bete eta Eusko Jaurlaritzari igortzea, pantailaren beheko aldean ageri den «Bidali» botoia sakatuta.
- Kenkaria aplikatu daitekeen gainerako gaitasuna aztertzea, kontuan hartuta zerga-arauak ezarritako muga kuantitatiboak eta denborazkoak eta dagokion zerga-kenkaria aplikatzea (ekipoaren kostu hautagarriaren % 30).
- Egindako inbertsioak Teknologia Garbien Euskal Zerrendan sartutako ekipoei dagozkiela ziurtatzeko agiria borondatez edo dagokion zerga-administrazioak hala eskatuta aurkezteko, Eusko Jaurlaritzako Ingurumen Sailari eskatu beharko zaio aipatutako ziurtagiri hori. Horretarako, kenkaria aplikatu nahi den ekipoari buruzko informazio teknikoa aurkeztu beharko da, honako hauek adieraziz:
 - Ekipoaren izena eta Teknologia Garbien Euskal Zerrendako zein kasuri dagokion (ekipoaren kodea), oinarrizko deskribapen teknikoa eta hornitzailearen identifikazioa, ekipoaren zenbatekoa eta erabiliko den jarduera-sektorea.
 - Inbertsioa egin den instalazioan jasotako baimenak aurkeztuko dira; zehazki, Ingurumen Baimen Integratua edo jarduteko lizentzia, eta, hala badagokio, martxan jartzeko beharrezkoak diren sektore-baimenak.



TEKNOLOGIA GARBIEN EUSKAL ZERRENDA 2016
ZERGA-ONURAK



Informazio gehiago:
www.ingurumena.eus
www.ihobe.eus
www.spri.eus
www.eve.eus

Ingurumen-informaziorako zerbitzua
Ihobe-Line 900 15 08 64
ihobeline@ihobe.eus

EUSKO JAURLARITZA



GOBIERNO VASCO